

七子全集

陳孔璋集
應德璉集



建安七子集

目錄

卷之一

賦 十二首

武軍賦

四首

神武賦

有序

止欲賦

神女賦

大暑賦

瑪瑙勒賦

有序



迷迭賦

柳賦

鸚鵡賦

樂府一首

飲馬長城窟行

詩二首

遊覽二首

宴會

書五首

為袁紹上世宗帝書

為袁紹與公孫瓚書

更公孫瓚與子書

為曹洪與世子書

答張紘書

卷之二

牋一首

答東阿王牋

檄二首

爲袁紹檄豫州文

檄吳將校部曲文

版文 一首

爲袁紹拜烏丸三王爲單于版文

設難 一首

應譏

附錄

漢臧洪報陳琳書

魏陳思王遜與陳琳書

唐溫庭筠過陳琳墓

建安陳孔璋集卷之一

廣陵陳琳孔璋著

四明

楊德周齊莊輯定

長樂郡振錄

賦 十六首

武軍賦 有序

迴天軍於易水之陽以討瓚焉鴻溝參周鹿菰十里
荐之以棘為建修櫛于青霄竈深隧下三泉飛雲梯
衡神鈎之具不在吳孫之篇三略六韜之術者凡數
十事秘莫得聞也乃作武軍曰

陽子理集 卷一
赫赫哉烈烈矣於此武軍當天符之佐運承斗剛而
曜震漢季世之不辟青龍紀乎大荒熊狼競以拏攫
神寶播乎鎬京於是武臣赫然颯炎天之隆怒叫諸
夏而號八荒爾乃擬北落而樹表踰壘壁以結營百
校羅峙千部列陳彌方城掩平原於是啟明戒旦長
庚告昏火烈具舉鼓角竝震千徒從唱億夫求和聲
旬隱而動山光赫奕以燭夜其刃也則楚金越冶棠
馨召工清堅皓鏑修刺銳鋒陸陷蘘犀水截輕鴻鎧
則東胡闕鞏百煉精剛函師振旅韋人制縫玄玄縹

甲灼爍流光弩則幽葩筋角恒山壓幹通肌暢骨崇
緼曲烟大黃沈紫直矢輕弦當鋒摧決貫遐洞堅其
弓則烏號越耗繁弱角端象弭繡質哲拊文身矢則
申息肅慎箇箛空疏焦銅毒鋏麗轂捷輶馬則飛雲
絕景直髻騶駢駁龍紫鹿文的躡魚走駿驚飈步象
雲浮若乃清道整列按節徐行龍姿鳳峙灼有遺英

又

輶車輻輳九牛轉牽牽雷響激折擗倒垣其攻也則
飛梯行雲臨閣靈構上通紫電下過三壚蘊隆旣備

越有神鉤排雷衝則高烈炬然則頓名樓

又

衝鉤競進熊虎爭先墮垣百疊救樓數千炎燧四舉
元戎齊登

又

整行按律決敵中原八部方置山布星陳干戈森其
若林牙旗翻以如繪

又

南轅反旆爰振其旅胡馬駢足戎車齊軌

神武賦

有序

建安十有二年大司空武平侯曹公東征烏丸六軍
被介雲輜萬乘治兵易水次於北平可謂神武奕奕
有征無戰者已

佇盤桓以淹次乃申命而後征覲狄民之故土追大
晉之遐踪惡先穀之懲寇善魏絳之和戎受金石而
弗伐蓋禮樂而思終陵九城而上濟起齊軌乎玉繩
車軒轅於雷室騎浮厲乎雲宮暉曜連乎白日旂旄
繼於電光旆旣軼乎白狼殿未出乎盧龍威凌天地

勢括十衝單鼓未伐虜已潰崩克俊馘首梟其魁雄
爾乃總輯環珍茵瓊幕幄攘瓔帶佩不飾雕琢華璫
玉瑤金麟牙琢文貝紫瑛縹碧玄綠黼錦纈組芻毳
皮服

止欲賦

媛哉逸女在余東濱色曜春華豔過碩人乃邃古其
寡儔固當世之無鄰允宜國而寧家實君子之攸嬪
伊余情之是悅志荒溢而傾移宵炯炯以不寐晝舍
食而忘饑歎北風之好我美攜手之同歸忽日月之
徐邁庶枯楊之生稊道攸長而路亾河廣濊而無梁
雖企予而欲往非一葦之可航展余轡以言歸含惜
瘁而就牀忽假暝其若寐夢所懽之來征蒐翩翩以
遙懷若交好而通靈

神女賦

漢二七之建安荆野蠢而作仇贊皇師以南假濟漢
川之清流感詩人之攸歎想神女之來遊儀營鬼於
髣髴託嘉夢以通精望陽侯以混濊觀玄麗之軼靈
文絳蚪之奕奕鳴玉鸞之嚶嚶答玉質於茗華擬豔

姿於薜榮感仲春之和節歎鳴鴈之噤噤申握椒以
貽予請同宴乎粵房苟好樂之嘉合永絕世而獨昌
既歎爾以豔采又悅我之長期順乾坤以成性大何
若而有辭

大暑賦

上潤溽以敲蒸時澳恣以溷溫風鬱其彤彤譬炎火
之階燭

瑪瑙勒賦

有序

五官將得瑪瑙以爲寶勒美其英綵之光豔也使琳
賦之

託瑤漢之寶岸臨赤水之朱波爾乃他山爲錯荆和
爲理制爲寶勒以御君子

北堂抄誤寫魏文數語
爲琳作今據御覽正之

述迭賦

立碧莖之婀娜舒綵條之蜿蟺下扶疎以布濩上綺
錯而交紛匪荀方之可樂寔來儀之麗閑動容飾而
發微穆斐斐以承顏

柳賦

偉姿逸態英豔妙奇綠條縹葉雜暎纖麗龍鱗鳳翼

綺錯交施蔚雲曇其香藹象翠蓋之葳蕤

鸚鵡賦

咨乾坤之兆物萬品錯而殊形有逸姿之令鳥含嘉
淑之哀聲抱振鷺之素質被翠羽之縹精

琳又有大
荒賦曰假

龜筮以貞吉問
神諭以休祥

樂府一首

飲馬長城窟行

飲馬長城窟水寒傷馬骨往謂長城吏慎莫稽留太
原卒官作自有程舉築諧汝聲男兒寧當格鬪死何
能怫鬱築長城長城何連連連連三千里邊城多健
少內舍多寡婦作書與內舍便嫁莫留住善侍新姑
嫜時時念我故夫子報書往邊地君今出語一何鄙
身在甌難中何爲稽留他家子生男慎莫舉生女哺
用脯君獨不見長城下死人骸骨相撐拄結髮行事

君慊慊心意關明知邊地苦賤妾何能從自全

詩二首

遊覽二首

高會時不娛羈客難爲心
殷懷從中發悲感激清音
投觴罷歡坐逍遙步長林
肅肅山谷風默默天路陰
惆悵忘旋反戲歔涕沾襟

節運時氣舒秋風涼且清
閒居心不娛駕言從友生
翱翔戲長流逍遙登高城
東望看疇野廻顧覽園庭
嘉禾凋綠葉芳草織紅榮
騁哉日月逝年命將西傾
建功不及時鍾鼎何所銘
收念還房寢慷慨詠墳經

庶幾及君在立德垂功名

宴會

凱風飄陰雲白日揚素暉
良友招我遊高會宴中闈
玄鶴浮青泉綺樹煥青蕤

書 五首

爲袁紹上漢帝書

臣聞昔有哀歎而霜隕悲哭而城崩者每讀其書謂
爲信然於今況之乃知妄作何者臣出身爲國破家
立事至於懷忠獲釁抱信見疑晝夜長吟剖肝泣血
曾無崩城隕霜之應故鄒衍杞婦何能感徹臣以負
薪之資拔於陪隸之中奉職憲臺擢授戎校常侍張
讓等滔亂天常侵奪朝威賊害忠德扇動姦黨故大
將軍何進忠國疾亂義心赫怒以臣頗有一介之節

可責以鷹犬之功故授臣以督司諮臣以方略臣不敢畏憚強禦避禍求福與進合圖事無違異忠策未盡而元帥受敗太后被質宮室焚燒陛下聖德幼冲親遭厄困時進旣被害師徒喪沮臣獨將家兵百餘人抽戈承明竦劍翼室虎叱羣司奮擊凶醜曾不浹辰罪人斯殄此誠愚臣效命之一驗也會董卓乘虛所圖不軌臣父兄親從竝當大位不憚一室之禍苟惟寧國之義故遂解節出奔創謀河外時卓方貪結外援招悅英豪故卽臣渤海申以軍號則臣之與卓未有纖芥之嫌若使苟欲滑泥揚波偷榮求利則進可以享竊祿位退無門戶之患然臣愚所守志無傾奪故遂引會英雄興師百萬飲馬孟津軟血漳河會故冀州牧韓馥懷挾逆謀欲專權勢絕臣軍糧不得踵係至使猾虜肆毒害及一門尊卑大小同日並戮鳥獸之情猶知號呼臣所以蕩然忘哀貌無隱戚者誠以忠臣之節道不兩立顧私懷已不能全功斯亦愚臣破家殉國之二驗也又黃巾十萬焚燒青兗黑山張楊蹈藉冀域臣乃旋師奉辭伐畔金鼓未震狡

敵知亡故韓馥懷懼謝咎歸土張楊黑山同時乞降
臣時輒承制竊比竇融以議郎曹操權領兖州牧會
公孫瓚師旅南馳陸掠北境臣卽星駕席卷與瓚交
鋒假天之威每戰輒克臣備公族子弟生長京輦頗
聞俎豆不習干戈加自乃祖先臣以來世作輔弼咸
以文德盡忠得免罪戾臣非與瓚角戎馬之勢爭戰
陣之功者也誠以賊臣不誅春秋所貶苟云利國專
之不疑故冒踐霜雪不憚劬勤實庶一捷之福以立
終身之功社稷未定臣誠耻之太僕趙岐銜命來証

宣明陛下含弘之施蠲除細故與下更新奉詔之日
引師南轅是臣畏怖天威不敢怠慢之三驗也又臣
所上將校率皆清英宿德令名顯達登鋒履刃死者
過半勤恪之功不見書列而州郡牧守競盜聲名懷
持二端優游顧望皆列土錫圭跨州連郡是以遠近
狐疑議論紛錯者也臣聞守文之世德高者位尊倉
卒之時功多者賞厚陛下播越非所洛邑乏祀海內
傷心志士憤惋是以忠臣肝腦塗地肌膚橫分而無
悔心者義之所感故也今賞加無勞以攜有德杜黜

忠功以疑衆望斯豈腹心之遠圖將乃讒慝之邪說
使之然也臣爵爲通侯位二千石殊恩厚德臣旣叨
之豈敢闕覲重禮以希彤弓旅矢之命哉誠傷偏裨
列校勤不見紀盡忠爲國翻成重愆斯蒙恬所以悲
號於邊獄白起歔歔於杜郵也太傅日磬位爲師保
任配東征而耗亂王命寵任非所凡所舉用皆衆所
捐棄而容納其策以爲謀主令臣骨肉兄弟還爲讐
敵交鋒接刃構難滋甚臣雖欲釋甲投戈事不得已
誠恐陛下日月之明有所不照四聰之聽有所不聞
乞下臣章咨之羣賢使三槐九棘議臣罪戾若以臣
今行權爲釁則桓文當有誅絕之刑若以衆不討賊
爲賢則趙盾可無書弑之貶矣臣雖小人志守一介
若使得申明本心不愧先帝則伏首歐刀褰衣就鑊
臣之願也惟陛下垂尸鳩之平絕邪諂之論毋令愚
臣結恨三泉

爲袁紹與公孫瓚書

孤與足下旣有前盟舊要申之以討亂之誓愛過夷
叔分著丹青謂爲旅力同仇足踵齊晉故解印釋綬

以北帶南分割膏腴以奉執事此非孤赤情之明驗
耶豈寤足下棄烈士之高義尋禍亡之險蹤輒而改
慮以好易怨盜遣士馬犯暴豫州始聞甲卒在南親
臨戰陣懼於飛矢迸流狂刃橫集以重足下之禍徒
增孤子之咎釁也故爲薦書懇惻冀可改悔而足下
逸然自逸矜其威詐謂天罔可吞豪雄可滅果令貴
弟殞於鋒刃之端斯言猶在於耳而足下曾不尋討
禍源克心罪已苟欲逞其無疆之怒不顧逆順之津
匿怨害民騁於余躬遂躍馬控弦處我疆土毒徧生

民辜延白骨孤辭不獲已以登界橋之役是時足下
兵氣霆震駿馬電發僕師徒肇合機械不嚴強弱殊
科衆寡異論假天之助小戰大克遂陵躡奔背因壘
館穀此非天威棐誥福豐有禮之符表乎足下志猶
未厭乃復糾合餘燼率我蟬賊以焚蕪渤海孤又不
獲寧用及龍河之師羸兵前誘大軍未濟而足下膽
破衆散不鼓而敗兵衆擾亂君臣竝奔此又足下之
爲非孤之咎也自此以後禍隙彌深孤之師旅不勝
其忿遂至積尸爲京頭顱滿野愍彼無辜未嘗不慨

然失涕也後比得足下書辭意婉約有改往修來之言僕既欣於舊好克復且愍兆民之不寧每輒引師南駕以順簡書弗盈一時而北邊羽檄之文未嘗不至孤是用痛心疾首靡所錯情夫處三軍之帥當列將之任宜令怒如嚴霜喜如時雨臧否好惡坦然可觀而足下二三其德強弱易謀急則曲躬緩則放逸行無定端言無質要爲壯士者固若此乎旣乃殘殺老弱幽土憤怨衆叛親離孑然無黨又烏丸濊貊皆與足下同州僕與之殊俗各奮迅激怒爭爲鋒銳又

東西鮮卑舉踵來附此非孤德所能招而足下驅而致之也夫當荒危之世取干戈之險內違同盟之誓外失戎狄之心兵興州壤禍發蕭牆將以定霸不亦難乎前以西山陸梁出兵平討會麴義餘殘畏誅逃命故遂住大軍分兵撲蕩此兵孤之前行乃界橋塞旗拔犇先登制敵者也始聞足下鑄金紆紫命以元帥謂當因茲奮發以報孟明之耻是故戰夫引領竦望旌旆惟遂舍光匿影寂爾無聞卒臻屠滅相爲惜之夫有平天下之怒希長世之功權御師徒帶養或

馬叛者無討服者不收威懷金喪何以立名今舊京
克復天罔云補罪人斯亡忠幹翼化華夏儼然望於
穆之作將戢干戈放散牛馬足下獨何守區區之士
保軍內之廣甘惡名以速朽亡令德之久長壯而籌
之非良策也宜釋憾除嫌鼓我舊好若斯言之玷皇
天是聞

更公孫瓚與子書

瓚夢薊城崩知必敗乃間使與子
續書紹侯者得之使陳琳更其書

蓋聞在昔衰周之世僵尸流血以爲不然豈意今日
身當其術袁氏之攻似若神鬼鼓角鳴于地中梯衝
舞吾樓上日窮月蹶無所聊賴汝當碎首于張燕速
致輕騎到者當起烽火於北吾當從內出不然吾亡
之後天下雖廣汝欲求安足之地其可得乎

爲曹洪與世子書

十一月五日洪白前初破賊情侈意奢說事頗過其
實得九月二十日書讀之喜笑把翫無厭亦欲令陳
琳作報琳頃多事不能得爲念欲遠以爲歡故自竭
老夫之思辭多不可一二粗舉太綱以當談笑漢中

地形實有險固四嶽三塗皆不及也彼有精甲數萬
臨高守要一夫揮戟萬人不得進而我軍過之若駭
鯨之決細網奔兕之觸魯縞未足以喻其易雖云王
者之師有征無戰不義而疆古人常有故唐虞之世
蠻夷猾夏周宣之盛亦讐大邦詩書歎載言其難也
斯皆憑阻恃遠故使其然是以察茲地勢謂爲中材
處之殆難倉卒來命陳彼妖惑之罪序王師曠蕩之
德豈不信然是夏殷所以喪苗扈所以斃我之所以
克彼之所以敗也不然商周何以不敵哉昔鬼方孽
昧崇虎讒凶殷辛暴虐三者皆下科也然高宗有二
年之征文王有退修之軍盟津有再駕之役然後殪
戎勝殷有此武功焉未有星流景集飈奮霆擊長驅
山河朝至暮捷若今者也由此觀之彼固不逮下愚
則中才之守不然明矣在中才則謂不然而來示乃
以爲彼之惡稔雖有孫田墨鼂猶無所救竊又疑焉
何者古之用兵敵國雖亂尚有賢人則不伐也是故
三仁未去武王還師宮奇在虞晉不加戎季梁猶在
強楚挫謀檠至衆賢奔紂三國爲墟明其無道有人

猶可救也且夫墨子之守縈帶為垣高不可登折箸
 為械堅不可入若乃距陽平據石門攄入陣之列騁
 奔牛之權焉肯土崩魚爛哉設令守無巧拙皆可攀
 附則公輸已陵宋城樂毅已拔卽墨矣墨翟之術何
 稱田單之智何貴老夫不敏未之前聞蓋聞過高唐
 者效王豹之謳游濰渙者學藻續之綵閒自入益部
 仰司馬揚王之遺風有子勝斐然之志故頗奮文辭
 異於他日怪乃輕其家丘謂為倩人是何言歟夫駮
 驥垂耳於坳牧鴻雀戢翼於汗池褻之者固以為園
 囿之凡鳥外廐之下乘也及其整蘭筋揮勁翮陵厲
 清浮顧眄千里豈可謂其借翰於晨風假足於六駮
 哉恐猶未信丘言必大噓也洪白
文帝序曰上平定漢中族父都護還
書與余盛稱彼方土地形勢
觀其辭如陳琳所敘為也

答張紘書

紘見楠榴枕愛其文為作賦時琳在北見之
 以示人口此吾鄉張子綱所作也後紘見琳
 作武軍賦應機論與琳
 書深歎美之琳乃答

自僕在河北與天下隔此間率少於文章易為雄伯
 故使僕受此過差之譚非其實也今景興在此足下

與子布在彼所謂小巫見大巫神氣盡矣

建安陳孔璋集卷之二

廣陵陳琳孔璋著

四明

楊德周齊莊輯定

陳朝輔變五增訂

箴一首

答東阿王箴

琳死罪死罪昨加恩辱命并示龜賦披覽粲然君侯
體高俗之材秉青萍干將之器拂鐘無聲應機立斷
此乃天然異稟非鑽仰者所庶幾也音義既遠清辭
妙句焱絕煥炳譬猶飛兔流星超山越海龍驥所不

敢追況於駑馬可得齊足哉夫聽白雪之音觀綠水
之節然後東野巴人蚩鄙益著載歡載笑欲罷不能
謹韜櫜玩耽以爲吟頌琳死罪死罪

檄二首

爲袁紹檄豫州文

左將軍領豫州刺史郡國相守蓋聞明主圖危以制
變忠臣慮難以立權是以有非常之人然後有非常
之事有非常之事然後能立非常之功夫非常者固
非常人所擬也曩者強秦弱主趙高執柄專制朝權
威福由已時人迫脅莫敢正言終有望夷之敗祖宗
焚滅汚辱至今永爲世鑒及臻呂后季年產祿專政
內兼二軍外統梁趙擅斷萬機決事省禁下陵上替

海內寒心於是絳侯朱虛興兵奮怒誅夷逆暴尊立
太宗故能道化興隆光明顯融此則大臣立權之明
表也司空曹操祖父中常侍騰與左倌徐璜並作妖
孽饕餮放橫傷化虐民父嵩乞匄携養因贓假位與
金輦璧輪貨權門竊盜鼎司傾覆重器操贅闖遺醜
本無懿德禦狡鋒恊好亂樂禍幕府董統鷹揚掃除
凶逆續遇董卓侵官暴國於是提劍揮鼓發命東夏
收羅英雄棄瑕取用故遂與操同諮合謀授以禪師
謂其鷹犬之才爪牙可任至乃愚佻短略輕進易退

傷夷折衄數喪師徒幕府輒復分兵命銳修完補輯
表行東郡領兖州刺史被以虎文獎賊威柄冀獲秦
師一尅之報而操遂乘資跋扈肆行凶志割剝元元
殘賢害善故九江太守邊讓英才俊偉天下知名直
言正色論不阿諂身首被梟懸之誅妻孥受灰滅之
咎自是士林憤痛民怨彌重一夫奮臂舉州同聲故
躬破於徐方地奪於呂布彷徨東裔蹈據無所幕府
推強幹弱枝之義且不登叛人之黨故復拔旌擐甲
席卷赴征金鼓響震布衆奔沮拯其死傷之患復其

方伯之位則幕府無德於堯土之民而有大造于操也後會鸞駕反旆羣虜寇攻時冀州方有北鄙之警匪遑離局故使從事中郎徐勛就發遣操使繕修郊廟翊衛幼主操便放志專行脅遷當御省禁甲侮王室敗法亂紀坐領三臺專制朝政爵賞繇心刑戮在口所愛光五宗所惡滅三族羣談者受顯誅腹議者蒙隱戮百寮鉗口道路以目尚書紀朝會公卿充員品而已故太尉楊彪典歷二司享國極位操因緣毗睚被以非罪恊楚參并五毒備至觸情任忒不顧憲綱又議郎趙彥忠諫直言義有可納是以聖朝含聽改容加錫操欲逃奪明時杜絕言路擅收立殺不俟報聞又梁孝王先帝母昆墳陵尊顯桑梓松栢猶宜肅恭而操帥將校吏士親臨發堀破棺裸尸掠取金寶至今令聖朝流涕士民傷懷操又特置發丘中郎將摸金校尉所過隳突無骸不露身處三公之位而行桀虜之態汗國虐民毒施人鬼加其細政慘苛科防互設繒繳充蹊坑穽塞路舉手挂網羅動足觸機陷是以兗豫有無聊之民帝都有吁嗟之怨歷觀載籍

無道之臣貪殘酷烈於操爲甚幕府方詰外姦未及
整訓加緒含容冀可彌縫而操豺狼野心潛包禍謀
乃欲摧撓棟梁孤弱漢室除滅忠正專爲梟雄往者
伐鼓北征公孫瓚強寇桀逆拒圍一年操因其未破
陰交書命外助王師內相掩襲故引兵造河方舟北
濟會其行人發露瓚亦梟夷故使鋒芒挫縮厥圖不
果爾乃大軍過蕩西山屠各左校皆束首奉質爭爲
前登犬羊殘醜消淪山谷於是操師震懼晨夜逋遁
也據敖倉阻河爲固欲以螳螂之斧禦隆車之隧幕

府奉漢威靈折衝宇宙長戟百萬胡騎千羣雷中黃
育獲之士騁良弓勁弩之勢并州越太行青州涉濟
漯大軍汎黃河而角其前荊州下宛葉而掎其後雷
震虎步並集虜庭若舉炎火以扇飛蓬覆滄海以沃
爍炭有何不滅者哉又操軍吏士其可戰者皆自幽
冀或故營部曲或怨曠思歸流涕北顧其餘兗豫之
民及呂布張揚之遺衆覆亡迫脅權時苟從各被創
夷人爲讐敵若廻旆方徂登高岡而擊鼓吹揚素揮
以啓降路必土崩瓦解不俟血刃方今漢室陵遲綱

維地絕聖朝無一介之輔股肱無折衝之勢方畿之內簡練之臣皆垂頭搨翼莫所憑恃雖有忠義之佐脅於暴虐之臣焉能展其節又操持部曲精兵七百圍守宮闕外託宿衛內實拘執懼其篡逆之萌因斯而作此乃忠臣肝腦塗地之秋烈士立功之會可不勛哉操又矯命稱制遣使發兵恐邊遠州郡過聽而給與強寇弱主違衆旅叛舉以喪名爲天下笑則明哲不取也卽日幽并青冀四州竝進書到荊州便勒見兵與建忠將軍協同聲勢州郡各整戎馬羅落境界舉師揚威竝匡社稷則非常之功於是乎著其得操首者封五千戶侯賞錢五千萬部曲偏裨將校諸吏降者勿有所問廣宣恩信班揚符賞布告天下咸使知聖朝有拘偏之難如律令

檄吳將校部曲文

年月朔日子尚書令或告江東諸將校部曲及孫權宗親中外蓋聞禍福無門惟人所召夫見幾而作不處凶危上聖之明也臨事制變困而能通智者之慮也漸漬荒沈往而不返愚者之蔽也是以大雅君子

居安思危以遠咎悔小人臨禍懷佚以待歿亡二者之量不亦殊乎孫權小子未辨菽麥要領不足以膏齊斧名字不足以滂簡墨譬猶穀卵始生翰毛而使陸梁放肆顧行吠主謂爲舟楫足以距皇威江湖可以逃靈誅不知天網設張以在綱目爨鑊之魚期於消爛也若使水而可恃則洞庭無三苗之墟子陽無荆門之敗朝鮮之壘不刊南越之旌不拔昔夫差承闔閭之遠跡用申胥之訓兵棲越會稽可謂彊矣及其抗衡上國與晉爭長郟城屠於勾踐武卒散於黃

池終於覆滅身罄越軍及吳王濞驕恣屈強猖獗始亂自以兵強國富勢凌京城太尉帥師甫下滎陽則七國之軍瓦解冰泮漚之罵言未絕于口而丹徒之刃以陷其胸何則天威不可當而悖逆之罪重也且江湖之衆不可恃也自董卓作亂以迄於今將三十載其間豪傑縱橫熊據虎踞強如二袁勇如呂布跨州連郡有威有名十有餘輩其餘鋒捍特起鸛視狼顧爭爲梟雄者不可勝數然皆伏鈇嬰鉞首腰分離雲散原燎罔有孑遺近者關中諸將復相合聚續爲

叛亂阻二華據河渭驅率羗胡齊鋒東向氣高智遠
似若無敵丞相秉鉞鷹揚順風烈火元戎啓行未鼓
而破伏尸千萬流血漂楸此皆天下所共知也是後
大軍所以臨江而不濟者以韓約馬超逋逸迸脫走
還涼州復欲鳴吠逆賊宋建僭號河首同惡相救竝
爲唇齒又鎮南將軍張魯負固不恭皆我王誅所當
先加故且觀兵旋旆復整六師長驅西征致天下誅
偏將涉隴則建約梟夷於首萬里軍入散關則羣氏
率服王侯豪帥奔走前驅進臨漢中則陽平不守十
萬之師土崩魚爛張魯逋竄走入巴中懷恩悔過委
賫還降巴夷王朴胡賓邑侯杜濩各帥種落共舉巴
郡以奉王職鉦鼓一動二方俱定利盡西海兵不鈍
鋒若此之事皆上天威明社稷神武非徒人力所能
立也聖朝寬仁覆載允信允文大啓爵命以示四方
魯及胡濩皆享萬戶之封魯之五子各受千室之邑
胡濩部曲子弟將校爲列侯將軍以下千有餘人百
姓安堵四民反業而建約支屬皆爲鯨鯢超之妻孥
焚首金城父母嬰孩覆尸許市非國家鍾禍於彼降

福於此也逆順之分不得不然夫擊鳥先高攫鷲之
勢也牧野之威孟津之退也今者枳棘剪扞戎夏以
清萬里肅齊六師無事故大舉天師百萬之衆與匈
奴南單于呼完厨及六郡烏桓丁令屠各湟中羗棘
寔奮席卷自壽春而南又使征西將軍夏侯淵等率
精甲五萬及武都氐羗巴漢銳卒南臨汶江搃據庸
蜀江夏襄陽諸軍橫截湘沅以臨豫章樓船橫海之
師直指吳會萬里剋期五道竝入權之期命於是至
矣丞相銜奉國威爲人除害元惡大慙必當梟夷至
於枝附葉從皆非詔書所特禽疾故每破滅強敵未
嘗不務在先降後誅拔將取才各盡其用是以立功
之士莫不翹足引領望風響應昔袁術僭逆王誅將
加則廬江太守劉勲先舉其郡還歸國家呂布作亂
師臨下邳張遼侯成率衆出降還討眭固薛洪穆尚
開城就化官渡之役則張郃高奭舉事立功後討袁
尚則都督將軍馬延故豫州刺史陰夔射聲校尉郭
昭臨陣來降圍守鄴城則將軍蘇游反爲內應審配
兄子開門入兵旣誅袁譚則幽州大將焦觸攻逐袁

熙舉縣來服凡此之輩數百人皆忠壯果烈有智有仁悉與丞相參圖畫策折衝討難芟敵舉旗靜安海內豈輕舉措也哉誠乃天啓其心計深慮遠審邪正之津明可否之分勇不虛死節不苟立屈伸變化惟道所存故乃建丘山之功享不訾之祿朝爲讐虜夕爲上將所謂臨難知變轉禍爲福者也若夫說誘甘言懷寶小惠泥滯苟且沒而不覺隨波漂流與燖俱滅者亦甚衆多吉凶得失豈不哀哉昔歲軍在漢中東西懸隔合肥遺守不滿五千權親以數萬之衆破敗奔走今乃欲當禦雲霓難以冀矣夫天道助順人道助信事上之謂義親親之謂仁盛孝章君也而權誅之孫輔兄也而權殺之賊義殘仁莫斯爲甚乃神靈之逋罪下民所同讐辜讐之人謂之凶賊是故伊摯去夏不爲傷德飛廉死紂不可謂賢何者去就之道各有宜也丞相深惟江東舊德名臣多在載籍近魏叔英秀出高峙著名海內虞文繡砥礪清節耽學好古周泰明當世雋彥德行修明皆宜膺受多福保父子孫而周盛門戶無辜被戮遺類流離湮沒林莽

言之可爲愴然聞魏周榮虞仲翔各紹堂構能負析薪及吳諸顧陸舊族長者世有高位當報漢德顯祖揚名又諸將校孫權婚親皆我國家良寶利器而竝見驅迕雨絕於天有斧無柯何以自濟相隨顛沒不亦哀乎蓋鳳鳴高岡以遠爵羅賢聖之德也鸛鳴之鳥巢於葦苕苕折子破下愚之惑也今江東之地無異葦苕諸賢處之信亦危矣聖朝開弘曠蕩重惜民命誅在一人與衆無忌故設非常之賞以待非常之功乃霸夫烈士奮命之良時也可不勉乎若能翻然大舉建立元勳以膺顯祿福之上也如其未能竿量大小以存易亡亦其次也夫繫蹄在足則猛虎絕其其踏蝮蛇在手則壯士斷其節何則以其所全者重棄者輕若乃樂禍懷寧迷而忘復闇大雅之所保背先賢之去就忽朝陽之安甘折苕之末日忘一日以至覆沒大兵一放玉石俱碎雖欲救之亦無及已故令往購募爵祿科條如左檄到詳思至言如詔律令

版文 一首

為袁紹拜烏丸三王為單于版文

遼西烏丸大人丘力居上谷烏丸大人難樓
各稱王而遼東屬國烏丸大人蘇僕延自稱
峭王右北平烏丸大人烏延自稱汗魯王後
止力居死從子蹋頓代立總攝三王袁紹與
公孫瓚連戰蹋頓助紹擊瓚破之紹矯制
賜蹋頓難峭王汗魯王印綬皆為單于

使持節大將軍督幽青并領冀州牧阮鄉侯紹承制
詔遼東屬國率眾王頒下烏丸遼西率眾王蹋頓右
北平率眾王汗盧維乃祖慕義遷善款塞內附北捍
嚴狁東拒濊貊世守北郵為百姓保鄣雖時侵犯王

略命將徂征厥罪率不旋時悔愆變改方之外夷最
又聰慧者也始有千夫長百夫長以相統領用能悉
乃心克有勲力於國家稍受王侯之命自我王室多
故公孫瓚作難殘夷厥土之君以侮天慢主是以四
海之內竝執干戈以衛社稷三王奮氣裔土忿姦憂
國控弦與漢兵相表裏誠甚忠孝朝所嘉焉然而虎
兕長蛇相隨寒路王宮爵命否而無聞大有勲不賞
俾勤者怠今遣行謁者楊林齋單于璽綬車服以對
爾勞其各綏靜部落教以謹慎無使作凶作慝世復
爾祀位長爲百蠻長厥有咎有不臧者泯於汝祿而
喪於乃庸可不免乎

設難一首

應譏

客有譏余者云聞君子動作周旋無所苟而已矣今
主君鍾陰陽之美總賢聖之風固非世人所能及遭
豺狼肆虐社稷隕傾既不能抗節服義與主存亡而
背枉違難耀茲武功徒獨震撲山東剝落元元結疑
本朝假據羣姦使已蒙噂沓之謗而他人受討賊之
勳捐功棄力以德取怨今賤文德而貴武勇任權譎
而背舊章無乃非至德之純美而有闕於後人哉主

人曰是何言也夫兵之設亦久矣所以威不軌而懲
淫慝也夫申鳴違父樂羊食子季友鳩兄周公戮弟
猶忍而行之王事所不得已也而況將避讒慝之嫌
棄社稷之難愛暫勞之民忘永康之樂此庸夫猶所
不爲何有冠世之士哉昔洪水滔天汎濫中國伯禹
躬之過門而不入率萬方之民致力乎溝洫及至簫
韶九成百獸率舞垂拱無爲而天下宴如夫豈前好
勤而後媮樂乎蓋以彼勞求斯逸也夫世治責人以
禮世亂則考人以功斯各一時之宜故有論戰陣之
權於清廟之堂者在矣陳俎豆之器於城濮之墟者
則悖矣是以達人君子必相時以立功必揆宜以處
事孝靈旣喪妓官放禍棟臣殘酷宮室焚火主君乃
芟凶族夷惡醜蕩滌朝姦清澄守職也旣乃卓爲封
蛇幽鳩帝后強以暴國非力所討違而去之宜也是
故天贊人和無思不至用能合師百萬若運諸掌者
義也今人主以寬弘爲宇仁義爲廬若地之載如天
之燾故當其聞管籥之聲則恐民之病也見羽毛之
美則懼士之勞也察稼穡之不時則推民之匱也臨

臺觀之崇高則恤役之病也是以虚心恭已取人之
謨闢四門廣諫路貴讜言賤巧偽慮不專行功不擅
美咨事若不及求譽恐不聞用能使賢智者盡其策
勇敢者竭其身故舉無遺闕而風烈宿宣也

附錄

臧洪報陳琳

洪初爲廣陵太守張超功曹說超糾合義兵
誅董卓超遣洪詣劉虞值幽冀交兵因寓于
袁紹紹以洪領青州刺史徙東郡太守曹操
圍超于雍丘洪請紹救超紹不許超遂被滅
洪怨紹絕不與通紹與兵圍之使洪邑人陳
琳與洪書喻以禍福責以恩義洪答書城陷
見執紹
殺之

隔濶相思發於寤寐幸相去步武之間耳而以趣舍
異規不得相見其爲愴恨可爲心哉前日不遺比辱
雅貺述叙禍福公私切至所以不卽奉答者旣學薄

才鈍不足塞詰亦以吾子攜負側室息肩主人家在東州僕爲仇敵以是事人雖披中情墮肝膽猶身疏有罪言甘見惟方首尾不救何能恤人且以子之才窮該典籍豈將闇於大道不達余趣哉然猶復云云者僕以是知足下之言信不由衷將以救禍也必欲笑計長短辯訟是非是非之論言滿天下陳之更不明不言無所損又言傷告絕之義非吾所忍行也是以捐棄紙筆一無所答亦冀遙忖其心知其計定不復渝變也重獲來命援引古今紛紜六紙雖欲不言焉得已哉僕小人也本因行役寇竊大州恩深分厚寧樂今日自還接刃每登城勒兵望主人之旗鼓感故友之周旋撫弦擲矢不覺流涕之覆面也何者自以輔佐主人無以爲悔主人相接過絕等倫當受任之初自謂究竟大事共尊王室豈悟天子不悅本州見侵郡將邁牖里之厄陳留克創兵之謀謀計棲遲喪忠孝之名杖策攜背虧交友之分揆此二者與其不得已喪忠孝之名與虧交友之道輕重殊塗親疎異畫故便收淚告絕若使主人少垂故人住者側席

去者克已不及汲於離友信刑戮以自輔則僕抗季
札之志不爲昔日之戰矣何以效之昔張景明親登
壇哺血奉辭奔走卒使韓牧讓印主人得地然後但
以拜章朝主賜爵獲傳之故旋時之間不蒙觀過之
貸而受夷滅之禍呂奉先討卓來奔請兵不獲告去
何罪復見斫刺瀕於死亡劉子璜奉使踰時辭不獲
命畏威懷親以詐求歸可謂有志忠孝無損霸道者
也然輒僵斃麾下不蒙虧除僕雖不敏又素不能原
始見終覩微知著竊度士人之心豈謂三子宜死罰
當刑中哉實且欲一統山東增兵討仇懼戰士狐疑
無以沮勸故抑廢王命以崇承制慕義者蒙榮待放
者被戮此乃主人之利非游士之願也故僕鑒戒前
人困窮死戰僕雖下愚亦嘗聞君子之言矣此實非
吾心也乃主人招焉凡吾所以背棄國民用命此城
者正以君子之違不適敵國故也是以獲罪主人見
攻踰時而足下更引此義以爲吾規無乃辭同趨異
非吾子所爲休戚者哉吾聞之也義不背親忠不違
君故東宗本州以爲親援中扶郡將以安壯稷一舉

二得以徼忠孝何以爲非而足下欲使吾輕本破家均君主人主人之於我也年爲吾兄分爲篤友道乖告去以安君親可謂順矣若子之言則包胥宜致命於伍員不當號哭於秦庭矣苟區區於攘患不知言乖乎道理矣足下或者見城圍不解救兵未至感婚姻之義惟平生之好以屈節而苟生勝守義而傾覆也昔晏嬰不降志於白刃南史不曲筆以求生故身著圖象名垂後世况僕據金城之固驅士民之力散三年之畜以爲一年之資匡困補乏以悅天下何圖

築室反耕哉但懼秋風揚塵伯珪馬首南向張揚飛燕脅力作難北鄙將告倒懸之急股肱奏乞歸之誠耳主人當鑒我曹輩反旌退師治兵鄴垣何宜久辱盛怒暴威於吾城下哉足下譏吾恃黑山以爲救獨不念黃巾之合從耶加飛燕之屬悉以受王命矣昔高祖取彭越於鉅野光武創基兆於綠林卒能龍飛中興以成帝業苟可輔主興化夫何嫌哉况僕親奉璽書與之從事行矣孔璋足下徼利於境外臧洪授命於君親吾子託身于盟主臧洪策名於長安子謂

陽子理集 卷二
余身死而名滅僕亦笑子生死而無聞焉悲哉本同
而未離努力努力夫復何言

魏陳思王植與陳琳書

夫披翠雲以爲衣戴北斗以爲冠帶虹蜺以爲紳連
日月以爲佩此服非其美也然而帝王不服者望殊
於天志絕於心矣

唐溫庭筠過陳琳墓

曾於青史見遺文今日飄零過古墳詞客有靈應識
我霸才無主始憐君石麟埋沒藏春草銅雀荒涼對

暮雲莫怪臨風倍惆悵欲將書劍學從軍

余身死而名滅僕亦笑于生死而無間焉

暮雲莫對詞月音圖弄煇雜書賦學將軍

建安七子集目錄

卷一

賦 十首

靈河賦

愍驥賦

愁霖賦

正情賦

撰征賦

西狩賦

馳射賦

迷迭賦

楊柳賦

鸚鵡賦

卷二

詩 七首

別詩 二首

雜詩

侍五官中郎將建華臺集詩

公宴詩

鬪雞詩

報趙淑麗 四言

書 一首

報龐惠恭書

牋 一首

與州將牋

論 二首

文質論

奕勢論

建安七子集卷之一

汝南應瑒德璉著

四明

楊德周齊莊輯定
陳朝輔變五增訂

賦十首

靈河賦

咨靈川之遐源兮於崑崙之神丘
凌增城之陰隅兮賴后土之潛流
衝積石之重險兮披山麓之溢浮
蹶龍黃而南邁兮紆鴻體而因流
涉津洛之坂泉兮播九道之中州
汾潁湧而騰驚兮恒疊疊而徂征
肇高

乘而迅逝兮陽侯沛而震驚有漢中葉兮金隄墮而
瓠子傾興萬乘而親務兮董羣后而來營下淇園之
豐篠兮投璧玉而沉星若夫長杉峻櫂茂括芬樞扶
疏灌列映水陰防隘條動而暢清風白日顯而曜姝
光

愍驥賦

愍良驥之不遇兮何屯否之弘移抱天飛之神號兮
悲當世之莫知赴玄谷之漸塗兮陟高岡之峻崖懼
漢夫之嚴策兮載悚慄而奔馳懷姝姿而困遇兮願
遠跡而自舒思奮行而驥首兮叩縉綵之紛拏牽繁
轡而增制兮心愴結而繁紆涉通達而方舉兮迫輿
僕之我拘抱精誠而不暢兮鬱神足而不據思薛翁
於西土兮望伯氏於東隅願浮軒於千里兮曜華軌
乎天衢瞻前軌而足節兮顧後乘而踟躕展心力於
知己兮甘邁遠而忘劬哀二哲之姝世兮時不邁乎
良造制銜轡於常御兮安獲騁於遐道

愁霖賦

聽屯雷之恒音兮聞左右之歎聲情慘憤而含欷兮

起披衣而遊庭三辰幽而重關蒼曜隱而無形雲暖
暖而周馳雨濛濛而霧零排房帳而北入振蓋服之
沾衣還空牀而寢息夢白日之餘輝惕中寤而不效
意悽悵而增悲

正情賦

夫何媛女之姝麗兮姿溫惠而明哲應靈和以挺質
體蘭茂而瓊潔方往載其鮮雙耀來今而無列發朝
陽之鴻暉流精睇而傾泄旣榮麗而冠時援申女而
北節余心嘉乎淑美願結歡而靡因承窈窕之芳美

情踴躍乎若人魂翩翩而夕遊甘同夢而交神晝徙
徬於路側宵耿耿而達晨清風厲於玄序涼飈逝於
中唐聽雲鴈之翰鳴察列宿之華暉南星晷而電隕
偏雄肅而特飛翼騰言以俯音嗟激迅而難追傷往
禽之無隅悼流光之不歸愍伏辰之方逝哀吾願之
多違步便旋以永思情慘慄而傷悲還幽室以假寐
固展轉而不安神耿耿以潛翔恒存遊乎所觀仰崇
夏而長息動哀響而餘歎氣浮踊而雲館暘一夕而
九頰

撰征賦

奮皇佐之豐烈將親戎乎幽隣飛龍旗以雲耀披廣
路而北巡崇殿鬱其嵯峩華宇爛其舒光摘雲藻之
雕飾流輝采之渾黃辭曰烈烈征師尋遐庭兮悠悠
萬里臨長城兮周覽郡邑思旣盈兮嘉賞前哲遺風
聲兮

西狩賦

伊炎漢之建安飛龍耀乎天衢皇宰奕而陶運樹匡
翼而大摹盪無妄之氛穢揚威靈乎八區開九土之
舊迹暨聲教於海隅時霜淒而淹野寒風肅而川逝
草木紛而搖蕩鷺鳥別而高麗旣乃揀吉日練嘉辰
清風矢戒屏翳收塵於是魏公乃乘雕輅駟飛黃擁
簫鈺建九旂按轡清塗颯沓風翔於是圍網周合雷
鼓天震千乘長羅萬表星陳雙翼抗旌八較祖分長
燧電舉高烟蔽雲爾乃徒輿並興方軌連質驚飈四
駭衝禽驚溢騁獸塞野飛鳥蔽日爾乃赴玄谷陵崇
巒俯掣奔猴仰捷飛猿雲幕被於廣野京燎照乎平
原醴魚克給洪施普宣

馳射賦

於是陽春嘉日講肄餘暇將逍遙於郊野聊娛遊於
騁射延賓鞠旅星言夙駕樹應鞞於路左建丹旗于
表路羣駿籠於衡首咸皆騶裊與飛菟爾乃結翻作
齊倫匹良樂授馬孫臆調駟籌筭克明班次均壹左
攬繁弱右接湛衛控滿流睇應弦飛碎旛動鼓震譟
聲雷潰重破累礮流景倏忽紛紜絡繹次授二八驂
驪激騁神足奔越終節三驅矢不虛發進截飛鳥顧
摧月支須紆六鈞口彎七規觀者并氣而傾竦咸側
命而騰移爾乃縈迴盤厲按節和旋翩翩神厲體若
飛仙奕奕駢牡旣佶且閑揚驪沛艾螭畧相連

迷迭賦

列中堂之嚴宇跨階序而駢羅建茂莖以竦立摧修
幹而承阿燭白日之炎陰承翠碧之繁柯朝敷條以
誕節夕結秀而垂華振纖枝之翠燦動採葉之萋萋
舒芳香之酷烈乘清風以徘徊

楊柳賦

赴陽春之和節植纖柳以承涼攄豐節而廣布紛鬱

應德瑛集 卷二 五
勃以遄征昔周遊而處此今倏忽而弗形感遺物而
懷故俛惆悵以傷情

鸚鵡賦

何翩翩之麗鳥表衆豔之殊色被光曜之鮮羽流玄
黃之華飾苞明哲之弘慮從陰陽之消息秋風厲而
潛形蒼神發而動翼

建安七子集卷之二

汝南應瑒德璉著

四明

楊德周齊莊輯定

陳朝輔燮五增訂

詩七首

別詩二首

朝雲浮四海日暮歸故山行役懷舊上悲思不能言
悠悠涉千里未知何時旋

又

浩浩長河水九折東北流晨夜赴滄海海流亦何拙

遠適萬里道。歸來未有繇。臨河累太息。五內懷傷憂。

雜詩

細微可不慎。隄潰白蟻穴。腠理早從事。安復勞鍼石。
哲人睹未形。愚夫闇明白。曲突不見賓。焦爛爲上客。
思願獻良規。江海倘不逆。狂言雖寡善。猶有如雞脇。
雞脇食不已。齊王爲肥澤。脇疑作肋

侍五官中郎將建華臺集詩

朝鴈鳴雲中。音響一何哀。問子遊何鄉。戢翼正徘徊。
言我塞門來。將就衡陽樓。往春翔北土。今冬客南淮。

遠行蒙霜雪。毛羽日摧頽。常恐傷肌骨。身殞沉黃泥。
簡珠墮沙石。何能中自諧。欲因雲雨會。濯翼凌高梯。
良遇不可值。伸眉路何偕。公子敬愛客。樂飲不知疲。
和顏旣以暢。乃敢顧細微。贈詩見存慰。小子非所宜。
且爲極歡情。不醉其無歸。凡百敬爾位。以副饑渴懷。

公宴詩

巍巍主人德。嘉會被四方。開館延羣士。置酒于斯堂。
辯論釋鬱結。援筆興文章。穆穆衆君子。好合同歡康。
促座褰重帷。傳滿騰羽觴。

鬪雞詩

戚戚懷不樂無以釋勞勤兄弟遊戲場命駕迎衆賓
二部分曹伍羣雞煥以陳雙距解長縹飛踊超敵倫
介羽張金距連戰何繽紛從朝至日夕勝負尚未分
專場驅衆敵剛逸捷等羣四坐同休贊賓主懷悅欣
博奕非不樂此戲世所珍

報趙淑麗

四言

朝雲不歸久結成陰離羣獨宿永思長吟有鳥孤棲
依鳴北林嗟我懷矣感物傷心

書一首

報龐惠恭書

夫蕭艾之歌發於信宿子衿之思竟不嗣音况實三
載能不有懷雖萱草樹背臯蘇在側悒憤不逞祗以
增毒朝隱之官賓不往來喬木之下曠無休息抱勞
而已足下剖符南面振威千里行人子羽朝夕相斷
曾不枉咫尺之路問蓬室之舊過意賜書辭不半紙
慰藉輕於繒縞譏望重於丘山是角弓之詩所以爲
刺也值鷺羽於苑丘騁駿足於株林發明月之輝光

照妖人之窈窕斯亦所以眩耳目之視聽以聲命於
知友者也
與州將牋
誨命欲求佳別駕自頃諸府大開搜延路廣海隅遺
蚌山無逸璞歸數日臥思得一人陳國有袁瑋字惠
英者才識可以經於治亂棲峙可以勸勵後進享服
所聞而未嘗接顏交言也又宗令文早有名輩相與
通家門素所具抑亦其次

論二首

文質論

蓋皇穹肇載陰陽初分日月運其光列宿耀其文自
穀麗於上芳華茂於春是以聖人合德天地稟氣淳
靈仰觀象於玄表俯察式於羣形窮神知化萬國是
經故否泰易趨道無攸一二政代序有文有質若乃
陶唐建國成周革命九官咸乂濟濟休令火龍黼黻
曄曄於廊廟袞冕旂旒曷奕乎朝廷冠德百王莫叅
其政是以仲尼嘆煥乎之文從郁郁之盛也夫質者

端一玄靜儉嗇潛化利用承清泰御平業循軌量守
成法至平應天順民撥亂夷世摘藻奮權赫奕丕烈
紀禪協律禮儀煥別覽墳丘於皇代建不刊之洪制
顯宣尼之典教探微言之所弊若夫和氏之明璧輕
韞之袿裳必將遊玩於左右振飾於宮房豈爭牢僞
之勢金布之剛乎且少言辭者孟僖所以不能荅郊
勞也寡智見者慶氏所以困相鼠也今子棄五典之
文闡禮智之大信管望之小尋老氏之蔽所謂循軌
常趨未能釋連環之結也且高帝龍飛豐沛虎據秦
楚唯德是建唯賢是與陸酈摛其文辯良平奮其權
諧蕭何創其章律叔孫定其庠序周樊展其忠教韓
彭列其威武明達天下者非一士之術管宮室者非
一匠之矩也逮至高后亂德損我宗劉朱虛軫其慮
辟疆釋其憂曲逆規其摹酈友詐其遊襲據北軍實
賴其疇豕嗣之不替誠四老之繇也夫諫則無義以
陳問則服汗沾濡豈若陳平敏對叔孫據書言辯國
典辭定皇居然後知質者之不足文者之有餘

奕勢論

蓋基奕之制所尚矣有像軍戎戰陣之紀旌旗旣列
權慮蜂起駱驛雨集魚鱗鴈峙奮維闡翼回衛邊鄙
或飾遁僞旋卓爍駟列羸師延敵一乘虛絕歸不得
合兩見擒滅淮陰之謨拔旗之勢也或匡設無常尋
變應危寇動北壘備在南麾中基旣捷四表自虧亞
父之智耿弇之奇也或假道四布周爰繁昌雲合星
羅侵逼郊場師弱衆寡臨據孤臨披掃疆禦廣畧土
疆昆陽之滅官渡之力也挑誘旣戰見欺敵對紛拏

相救不量進退羣聚俱隕力行唐突曠日志憤覆局
崩潰項將之咎楚懷之悖也時或失謬收奔攝北還
自保固完聚補塞見可而進先負後尅燕昭之賢齊
頃之德也長驅馳逐見利忘害輕敵寡備所喪彌大
臨疑猶豫笑慮不詳苟貪少獲不知所亾當斷不斷
還爲所謀項羽之失吳王之尤也持棊相逐莫敢先
動猶楚漢之兵相拒索輦也

項羽失吳

項羽失吳

